

祖兒歌精舞勁，炒熱全場氣氛。



■ Minnie 出席活動前，品嚐了最愛的叉燒包。

# Minnie 期待入馬場睇賽事 祖兒漏口風 阿Sa翻撻前度

天后容祖兒與韓國女團(G)I-DLE 成員 Minnie 等昨日到沙田馬場擔任「富衛保險冠軍賽馬日」表演嘉賓，祖兒被問好姊妹蔡卓妍(阿Sa)是否與「百億麻雀館太子爺」石恆聰復合時，起初她稱只是聽聞，但隨後又漏口風指兩人很有默契：「否則唔會翻撻！」無意間踢爆兩人舊情復熾。

容祖兒透露去年看過(G)I-DLE 的演唱會，當時有跟Minnie在後台合照，今次很開心同場演出。提到日前她與英皇師弟妹一齊睇謝霆鋒的演唱會，祖兒笑言原本想趁休息好好養聲，但睇騷時太興奮，忘形大唱大叫：「我送咗條聲帶畀霆鋒。(阿Sa都睇得好開心同投入。)佢係我睇騷『鐵腳』。(阿Sa係咪同石恆聰復合，所以心情咁靚?)我有聽聞，但冇親眼目睹，希望佢開心。(你有問佢?)我唔八卦，如果佢想講，佢自己自然會講。(怕佢問番你?)我有乜好講?我嘅嘢佢都知。」不過祖兒不小心漏口風，她說：「佢哋之間咁多年嘅相處模式，唔單止係甜蜜，而且好有默契，否則都唔會翻撻，希望佢哋好好一齊生活。」



■ 小方爆父母恨抱孫。

緊張又激動，很期待觀看賽事。她表示知道很多粉絲一早到場支持自己，很享受整個演出。提到跟祖兒同場演出，她表示曾在演唱會翻唱對方的《我的驕傲》：「我好鍾意呢首歌，今次好榮幸可以同佢同場。」工作方面，她透露下月推出新專輯，花了很多時間籌備，並指新專輯非常特別，叫大家好好期待。

## 小方否認有喜事宣布

同場的方力申(小方)早前在廣州開騷，但太太Maple未有同行，問到是否有好消息宣布?他笑言：「唔係，佢唔舒服，佢比較弱，你哋唔好咁Chur。(父母恨抱孫?)恨!記得我哋喺美國返嚟斟茶畀父母，我爸爸講咗句傳宗接代，早生貴子。後來我同太太臨出門口，Maple講咗句『爸爸，我哋走先喇』，我爸爸露出好燦爛嘅笑容，係我十幾年冇見過，我會記一世。」

Minnie 受訪時表示首次踏足馬場，心情

## 霆鋒兩子撐場 成演唱會焦點

謝霆鋒的啟德演唱會前晚迎來第3場演出，除了延續之前兩場的火熱氣氛外，更有最溫馨的「家庭應援團」!除了母親狄波拉連續3晚撐場外，霆鋒與前妻張栢芝所生的兩個兒子Lucas與Quintus更首度公開現身支持爸爸!

霆鋒兩子均穿休閒服低調入場，但仍被眼利觀眾認出，紛紛舉起手機拍下這難得畫面。17歲Lucas與14歲Quintus展現良好家教，面對熱情打招呼的歌迷，哥哥親民揮手示好，Quintus則有點怕醜，笠住衛衣帽避鏡頭。不少觀眾瘋狂影相，大嗌「好靚仔」，兩人尷尬微笑回應。當霆鋒從高空懸吊的巨型銀球震撼登場時，兩兄弟跟隨觀眾站起身，一齊大合唱《潛龍勿用》。



■ 霆鋒兩子投入睇騷。

■ 霆鋒於啟德開騷，絕無冷場。



## 張曦雯拍劇搵名醫咁骨

陳豪與張曦雯忙拍無綫新劇《俠醫》，昨日劇集故事主角原型黃天賜教授借病患兒童探班，一眾小朋友見到陳豪與張曦雯都非常興奮，爭相合照。陳豪表示預計新劇還要拍多一個月，暫定9月或10月播出，差不多每天通告都是早上6時至凌晨4時。張曦雯笑言雖然辛苦，但可以跟陳豪共同進退就不介意：「我相對比陳豪輕鬆，因為佢有大量中醫名詞對白，仲要背《黃帝內經》等醫書。」她自爆曾拜託黃天賜替她「咁」頸骨，效果顯著，頸膊痠痛情況舒緩不少。



■ 張曦雯讚陳豪記憶力驚人。

## 江若琳踩「黃金」有運行

江若琳(Elanne)去年宣布回歸樂壇，近日開始錄製新歌。她於社交平台上載錄音照片，留言稱很喜歡新歌的曲詞，更自爆錄音前發生小插曲：「今日錄音前心情大好，跑完步開晒聲，準備妥當時，突然間腳下一軟，踩中一舊狗屎，周圍搵拖鞋!45蚊買咗對見得人嘅拖鞋，無謂臭親第一次合作嘅監製!」雖然錄音前踩「黃金」，但Elanne非常樂觀開自己玩笑：「希望因為咁行個狗屎運吧!」不少網民祝Elanne開口中：「踩完屎，首歌實紅。」



■ 江若琳為新歌錄音。